



**SIARAN MEDIA
JABATAN PERDANA MENTERI
JABATAN AUDIT NEGARA MALAYSIA**

**KETUA AUDIT NEGARA MENGHADIRI SIDANG KEMUNCAK
PERTUBUHAN INSTITUSI AUDIT TERTINGGI ASEAN (ASEANSAI)
KALI KE-8 DI SINGAPURA, 12-13 NOVEMBER 2025**

UNTUK SIARAN SEGERA

SINGAPURA, 14 November 2025 – YBhg. Dato' Seri Wan Suraya Wan Mohd Radzi, Ketua Audit Negara telah menghadiri Sidang Kemuncak Pertubuhan Institusi Audit Tertinggi ASEAN (ASEANSAI) kali ke-8 yang berlangsung di Singapura pada 12 dan 13 November 2025. Sidang Kemuncak kali ini telah menghimpunkan semua Ketua Audit Negara dari negara anggota ASEAN, termasuk Timor-Leste buat julung kalinya, bagi membincangkan hala tuju dan kerjasama strategik serantau dalam bidang pengauditan sektor awam.

Dalam Persidangan ini, **Jabatan Audit Negara (JAN)** telah menerima sokongan penuh dari semua ahli ASEANSAI untuk dilantik semula sebagai Pengerusi **ASEANSAI Knowledge Sharing Committee (KSC)** bagi tempoh dua tahun **2026–2027**. Pencapaian ini mencerminkan pengiktirafan terhadap kepimpinan JAN dalam memperkukuh budaya perkongsian ilmu, memperluas inovasi serta mempertingkatkan pembangunan kapasiti profesionalisme dalam kalangan Institusi Audit Tertinggi rantau ini.

Bagi tempoh tahun 2023–2025, SAI Malaysia telah berjaya melaksanakan semua inisiatif dan aktiviti ASEANSAI KSC seperti berikut:

- i. Pembangunan *ASEANSAI Fundamental Audit Guidelines on Construction Projects*;

- ii. *Knowledge Sharing on Procurement Audit in State-owned Enterprises* secara dalam talian pada 20 September 2023 di Lao PDR;
- iii. *Knowledge Sharing in Auditing Technical and Vocational Education and Training (TVET)* pada 15 Disember 2023 secara dalam talian;
- iv. *4th ASEANSI KSC Biennial Meeting 2024* pada 24 – 26 Julai 2024 di Kuala Lumpur;
- v. *Knowledge Sharing on SDG Voluntary National Review (VNR)* pada 29 – 30 Ogos 2024 di Jakarta, Indonesia;
- vi. *Knowledge Sharing SDG Implementation Cooperative Audit Project of SDGs* pada 25 – 26 September 2024 secara dalam talian;
- vii. *Knowledge Sharing on Environmental Management and Protection in Industrial Zones and Craft Villages* pada 5 – 6 November 2024 di Hanoi, Vietnam;
- viii. *High Level Dialogue on Enhancing Public Sector Auditing Through Follow-Up Audit* pada 27 Mei 2025 di Putrajaya, Malaysia;
- ix. *Knowledge Sharing Workshop on Public Debt Audit* pada 26 - 28 Ogos 2025 di Manila, Filipina; dan
- x. *Cooperative Research on SAIs in ASEAN and Moving Forward to Digital Organisation* di bawah kelola SAI Thailand.

Selain itu, Persidangan Juruaudit ASEAN 2025 yang telah diadakan buat julung kalinya pada tahun ini di Putrajaya pada 27 dan 28 Mei 2025 juga menjadi salah satu pencapaian penting ASEANSI KSC pada tahun ini. Persidangan ini telah berjaya menghimpunkan 2,629 juruaudit awam dan swasta dari serantau dan antarabangsa.

Sidang Kemuncak kali ini juga memperakukan Rancangan Kerja KSC 2026–2027 yang telah dibentangkan oleh Ketua Audit Negara Malaysia yang menumpukan kepada empat bidang utama iaitu Pengauditan Pengurusan Kewangan Awam, Pendigitalan Audit, Pengurusan Hutang Awam dan Pengauditan Matlamat Pembangunan Mampan (SDG). Pemilihan bidang-bidang utama ini selaras dengan komitmen ASEANSI untuk terus menjadi platform serantau yang dinamik, inovatif dan berimpak tinggi.

Persidangan ini juga memperakukan Pelan Strategik ASEANSI 2026–2029 yang memberi penekanan terhadap inovasi, perkongsian maklumat dan pembangunan kapasiti, bagi menyokong pemantapan tadbir urus awam serta pembangunan mampan.

Mulai tahun ini, jaringan kerjasama ASEANSI KSC turut diperluaskan kepada Kumpulan Kerja Audit Syarikat Kerajaan (WGSOEA) di bawah ASOSAI dan Kumpulan

Kerja Susulan Audit (WGFA) di bawah INTOSAI. Kedua-dua kumpulan kerja ini turut dipengerusikan oleh SAI Malaysia dan menjadi salah satu agenda JAN dalam meningkatkan perkongsian pengetahuan dalam kalangan negara anggota.

Sepanjang sidang berlangsung, Ketua Audit Negara turut mengadakan pertemuan dua hala dengan rakan sejawat dari ASEANSAI serta China, Sweden dan Sekretariat ASEAN. Pertemuan ini membuka ruang untuk memperkukuh hubungan profesional, meneroka peluang kerjasama strategik, serta berkongsi pandangan amalan terbaik dalam mempertingkatkan kecekapan dan keberkesanan pengauditan sektor awam di rantau ini.

Secara keseluruhannya, penyertaan dalam persidangan kali ini telah berjaya memperkukuh peranan JAN sebagai peneraju perkongsian ilmu dan inovasi pengauditan di peringkat serantau dan antarabangsa. Kejayaan ini mencerminkan komitmen berterusan Malaysia untuk memperkasa institusi audit, membina juruaudit berdaya saing, serta mengukuhkan kerjasama antarabangsa bagi menyokong agenda tadbir urus baik dan pembangunan mampan ASEAN selaras dengan semangat ASEAN: One Vision, One Identity, One Community.” Sidang Kemuncak seterusnya dijadualkan berlangsung di Thailand pada tahun 2027.

**Dikeluarkan oleh:
Jabatan Audit Negara**

